

《無量壽經優婆提舍願生偈》 補充講表

◎附表九：

△次觀安樂國諸大菩薩，四種莊嚴功德成就。（以下糅合《往生論註》）

◆問曰：觀如來莊嚴功德，何所闕少，復須觀菩薩功德耶？答曰：如有明君，則有賢臣，堯舜之稱無為，是其比也。若使但有如來法王，而無大菩薩法臣，於翼贊道，豈足云滿？亦如薪積小，則火不大。如經言：阿彌陀佛國，有無量無邊諸大菩薩，如觀世音、大勢至等，皆當一生於他方次補佛處。若人稱名憶念者，歸依者，觀察者，如《法華經普門品》說，無願不滿。然菩薩愛樂功德，如海吞流，無止足情。

○安樂國清淨，常轉無垢輪，化佛菩薩日，如須彌住持。（以下糅合《往生論註》）

◆佛本何故起此莊嚴？見有佛土，但是小菩薩，不能於十方世界廣作佛事。或但聲聞人天，所利狹小。是故興願，願我國中，有無量大菩薩眾，不動本處，遍至十方，種種應化，

如實修行，常作佛事。譬如日在天上，而影現百川。日豈來耶？豈不來耶？如《大集經》言：譬如有人善治堤塘，量其所宜，及放水時，不加心力。菩薩亦如是，先治一切諸佛及眾生應供養應教化，種種堤塘。及入三昧，身心不動，如實修行，常作佛事。如實修行者，雖常修行，實無所修行也。是故言：安樂國清淨，常轉無垢輪，化佛菩薩日，如須彌住持。


○安樂國清淨，常轉無垢輪。（以下為轉法輪之含義）糝合懺雲老和尚《佛遺教經表解》

※《佛遺教經解》云：「言【轉法輪】者，佛以自心中所悟四諦之法，度入一切眾生之

心，名之為【轉】。此法能摧眾生煩惱業苦三障，名之為【輪】。」

轉法輪

三義



△法輪喻義對照

●法輪如轉聖王之輪寶，具有三義：

(一) 摧毀——煩惱：三障（惑業苦）

(二) 碾平——心地：生佛平等，空有平等，怨親平等。

(三) 運轉——眾生：轉迷為悟，轉識成智，轉凡成聖，離苦得樂。

※《佛說無量壽經》云：「設我得佛，他方佛土諸菩薩眾，來生我國，究竟必至一生補處。

除其本願自在所化。為眾生故，被弘誓鎧，積累德本，度脫一切。遊諸佛國，修菩薩行，供養十方諸佛如來。開化恆沙無量眾生，使立無上正真之道，超出常倫諸地之行，現前修習普賢之德。若不爾者，不取正覺。」（第二十二願、一生補處）

○無垢莊嚴光，一念及一時，普照諸佛會，利益諸群生。（以下糅合《往生論註》）

◆佛本何故起此莊嚴？見有如來眷屬，欲供養他方無量諸佛，或欲教化無量眾生。此沒彼出，先南後北，不能以一念一時，放光普照，遍至十方世界，教化眾生，有出沒前後相故。是故興願，願我佛土諸大菩薩，於一念時頃，遍至十方，作種種佛事。是故言：無

垢莊嚴光，一念及一時，普照諸佛會，利益諸群生。

※《妙法蓮華經如來壽量品》云：「我常在此娑婆世界，說法教化，亦於餘處，百千萬億那由他阿僧祇國，導利眾生。：諸善男子！若有眾生，來至我所，我以佛眼，觀其信等，諸根利鈍，隨所應度。處處自說名字不同，年紀大小，亦復現言當入涅槃；又以種種方便，說微妙法，能令眾生發歡喜心。諸善男子！如來見諸眾生，樂於小法，德薄垢重者，為是人說，我少出家，得阿耨多羅三藐三菩提。我實成佛已來，久遠若斯，但以方便，教化眾生，令入佛道，作如是說。」

※《佛說無量壽經》云：「設我得佛，國中菩薩，承佛神力，供養諸佛，一食之頃，不能徧至無數無量億那由他諸佛國者，不取正覺。」（第二十三願、供養諸佛）

※《佛說無量壽經》云：「猶如大乘，運載群萌出生死故；猶如重雲，震大法雷覺未覺故；猶如大雨，雨甘露法潤眾生故；如金剛山，眾魔外道不能動故；如梵天王，

於諸善法最上首故；如尼拘類樹，普覆一切故；如優曇鉢華，希有難遇故；如金翅鳥，威伏外道故；如眾遊禽，無所藏積故；猶如牛王，無能勝故；猶如象王，善調伏故；如師子王，無所畏故。曠若虛空，大慈等故。」

○兩天樂華衣，妙香等供養，讚諸佛功德，無有分別心。（以下糅合《往生論註》）

◆佛本何故起此莊嚴？見有佛土，菩薩人天志趣不廣，不能遍至十方無窮世界，供養諸佛如來大眾。或以己土穢濁，不敢向詣淨鄉。或以所居清淨，鄙薄穢土。以如此等種種局分，於諸佛如來所，不能周遍供養，發起廣大善根。是故願言：我成佛時，願我國土一切菩薩聲聞天人大眾，遍至十方一切諸佛大會處所，兩天樂華天衣天香，以巧妙辯辭，供養讚歎諸佛功德。雖歎穢土如來大慈謙忍，不見佛土有雜穢相；雖歎淨土如來無量莊嚴，不見佛土有清淨相。何以故？以諸法等故，諸如來等，是故諸佛如來，名為等覺。若於佛土起優劣心，假使供養如來，非法供養也。是故言：兩天樂華衣，妙香等供養，

讚諸佛功德，無有分別心。

※《金剛經》云：「須菩提！菩薩所作福德，不應貪著，是故說不受福德。」

所作福德：如修持十大行願等，不著空，大悲也

不應貪著：不著有也，大智也。即是無有分別心

悲智具足，空有不著，是名中道。

△言不應貪著，故說不受。使知所謂不受者，非拒而不納，乃不貪著耳。蓋明若為求福德以

修十大行願，是名貪著，則是利益自己，非為利益眾生；非大悲心，非無上菩提矣，故不應也。不受者，形容其一心清淨，不染纖塵也。（糅合《金剛經講義》）

※《佛說無量壽經》卷下云：「猶如雪山，照諸功德等一淨故；；曠若虛空，大慈等故。」

○何等世界無佛法功德寶，我願皆往生，示佛法如佛。（以下糅合《往生論註》）

◆佛本何故起此願？見有軟心菩薩，但樂有佛國土修行，無慈悲堅牢心。是故興願，願我成佛時，我土菩薩，皆慈悲勇猛，堅固志願，能捨清淨土，至他方無佛法僧處，住持莊

嚴佛法僧寶，示如有佛，使佛種處處不斷。是故言：何等世界無佛法功德寶，我願皆往生，示佛法如佛。

***三寶分類：**

住持三寶

一體三寶（唯約心體，義分三相。）

佛：塑像畫像

智：根本智、方便智（比喻照鏡子的玻璃和照鏡子的面。）

法：三藏經典

理：真諦理、俗諦理

本體界

現象界

僧：受戒僧眾

理智和合之心

※《大乘起信論裂網疏》卷第一云：「證此一體三寶，名十方佛；說此一體三寶，能詮所

詮，皆名為十方法；修此一體三寶，名十方僧，是為大乘住持三寶。若無

一體三寶，則無以建立住持三寶；若非住持三寶，則無以顯發一體三寶。」

○起觀生信。云何生信心？

※《成唯識論》卷六云：「云何為信？於實、德、能，深忍樂欲，心淨為性，對治不信，樂（求諸）善為業。然信差別，略有三種：一、信實有。謂於諸法實事、理中，深信（其為實有而隨順）忍（可）故。二、信有德。謂於三寶真淨德中，深信（而喜）樂故。三、信有能。謂於一切世出世善，深信（其）有力，能得（樂果）能成（聖道）起希望故。由斯對治不信彼（實德能之）心，愛樂證修世出世善。」

※《成唯識論觀心法要》卷六云：「實德能，是信依處。忍（即勝解也）是信之因，樂欲是信之果。心淨，是信之自性。諸法實事，即俗諦；諸法實理，即第一義諦。希望，即欲也。」

※《百法明門論表解》云：「於實、德、能，起深忍樂欲之信心，其自性清淨，又能澄清相應心品，故曰：心淨為性。」

※《十二門論》云：「信者有三相：樂親近善人，樂欲聽法，樂行布施。」